

多聞是真佛子是能仁子能敵冤家
棄擲煩惱得大堅固無老無怖無有
疑惑亦無戲論無彼無此名此比丘
爲聖法幢文殊師利若得如是法忍
得大善利應得一切世間天人阿修
羅而爲供養文殊師利是故得一切
國土無空過者悉受清淨飲食供養
爲離輪迴得涅槃岸脫諸苦輪乃至
一切正徧知正等菩提起此心法所
求皆得

尔時世尊說是法時三萬二千天子
皆得此法彼諸天衆於如來世尊應
正等覺并文殊師利菩薩摩訶薩散
曼陀羅花摩訶曼陀羅花而以供養
作如是言彼等於如來佛法中當得
出家受清淨戒若說此法一心聽受
得菩提道復有八千一百比丘衆心
得漏盡無生解脫復有四萬二千菩
薩得無生法忍于時三千大千世界
一切魔王宮殿山林曠野大地六種
振動於虛空中雨衆天花讚言善哉
善哉善哉此法甚爲希有出是音聲
十方普聞佛說此經已文殊師利法

佛說大乘日子王所問經

王子及大菩薩諸比丘衆一切世間
諸天人人民阿修羅軋達婆等聞佛所
說各各歡喜礼佛而退

佛說文殊師利問法經

甲辰歲高麗國大藏都監奉
勅雕造

佛說大乘日子王所問經

佛說大乘日子王所問經

鐘

如是我聞一時佛在憍闍彌瞿尸羅
林與大苾芻衆五百人俱及諸菩薩
摩訶薩衆是時無比摩建你迦女而
起瞋恚憎嫉舍摩縛底妃后于日子
王邊說言天子知耶舍摩縛底妃后
等五百女共其沙門而行姪慾我今
告言要天子知實難容恕是時日子
王聞無比摩建你迦女說已瞋怒至
極意不可忍擬殺舍摩縛底夫人遂
以手執弓放箭便射是時舍摩縛底
夫人入慈心定王所放箭上虛空中
發生火焰其焰熾盛其箭却迴奔日
子王前於左邊而住佛爲密護箭不
著身亦無損動是時日子王心生驚
怖身毛皆豎而便倒地又復還起問
舍摩縛底夫人而說偈言
汝復爲天女鬼女羅刹女獸獸婆女等
我問如是說汝持云何行未見未曾聞
亦復不曾知未曾有女人器仗不能傷
我有精進力善學於弓箭我箭不空發
未曾虛放箭如我所要射 猢猻及飛禽

人身兼射塚而未無所中如我今放箭却迴面前住不傷損我身我今歸命汝願救我苦惱審聽誠實言我欲故殺汝捨過勿生瞋汝念為好事令我離苦惱永不復如是

爾時舍摩縛底夫人答日子王即說偈言

我非是天女亦非健闍女非鬼非羅刹是舍摩縛底我作佛弟子為彼大慈悲故我心行善發心世尊處俱胝百千劫觀彼善慈悲故我行慈行女色所縛人見彼如實者若苗稼成熟而被雷電壞若離女色添我彼俱愛樂一切諸世尊遠離於婬慾又聞世尊說佛與菩薩眾緣覺及聲聞悉皆離女色愚者不能知普被魔羅降離女色添汚能得身安樂究竟得解脫無智諸眾生受慾無遠離作罪業無邊墮落三惡道無底慾火坑猛焰熾不滅有智樂解脫不為女色添見已便纏縛詐言虛適悅墮墮於眾生死入嶮惡道勿聽女人言亦不忿怒我意願生歡喜發心世尊處汝欲求見佛我與大王去到彼汝諦聽必說微妙法

爾時日子王告舍摩縛底夫人正當

是時汝意速疾詣世尊所王及臣民侍從圍繞見大牟尼巍巍堂堂如大金山光明焰赫吉祥莊嚴又見菩薩摩訶薩及諸苾芻苾芻尼鳩波斯迦鳩波索迦天龍藥叉健闍婆阿素羅薩魯荼緊那囉摩護囉誑人非人等圍繞世尊

爾時大王頭面作禮而白佛言世尊我有未曾有事先未聞見今詣佛所世尊慈悲與我解說世尊告言大王汝說未曾有事王復自言今日我宮有婬慾因緣無比摩建你迦女生毀謗心言舍摩縛底夫人與聲聞沙門而行婬事我聞此言瞋恨至極殺舍摩縛底夫人以箭便射於其箭上而出火焰赫弄熾盛却迴我身左邊而住亦不傷損我身舍摩縛底夫人禮世尊足說如是言彼王問我為復天女龍女捷闍婆女比舍際女鬼女羅刹女汝修持何行而乃如是而答王言我是大王夫人非是天女龍女捷闍婆女比舍際女羅刹女世尊如來應供正等正覺弟子心善純淨為如彼天是時舍摩縛底夫人稱讚世尊

功德我佛如來有如是應正等覺有如是慈悲大悲具大福慧成大威德得大自在何以故如來應正等覺為天人師願鑒斯誠爾時日子王對佛及苾芻眾前懺悔發露我等由如愚童如心迷亂如在黑暗如無善根我念如來聲聞而生毀謗善哉世尊願解疑悔我等受持世尊說言汝發起慈心受持戒行廣利有情日子王即從坐起合掌恭敬佛言大王汝但安坐于時日子王頭面作禮却坐一面日子王白佛言世尊我心勇猛聽女人言造罪業苦知自命終墮於地獄善哉世尊女人之過唯願說之世尊告言女人行業有其多種惑亂有情詐現異相諂媚虛誑心不真實顛倒思惟諂曲詐偽舉動施為強求親近牽繫有情恒行邪行汝須省覺王言世尊願賜慈悲願聽所說如我此後不近女人亦不由女人而造罪業既不造罪不墮地獄世尊如我長夜利益安樂一切眾生佛言如是如是復次日子王自言世尊我於佛邊聞斯慈教實由女人得其惡報佛言大

不悟罪根深奔竟向女人 如狗便糞穢
臭穢不可樂 愚癡所愛重 不知姪慾過
如盲不見色 愚癡著姪慾 如犬奔糞穢
聲香味觸法貪著亦如是 愚癡著慾人
輪迴於諸趣 如獼猴繫猴 永不出三界
愚迷著慾人 如鳥戀臭肉 常被惡魔牽
墮在於惡趣 愚人貪愛味 於美起纏縛
何異廁中蟲 寧知是不淨 智者得解脫
女色不可染 見彼生驚怖 棄捨如壞屍
愚癡懷散亂 著慾而無捨 如熱路艱辛
因渴飲鹹水 如是見飲者 愚癡迷失命
堅牢著慾人 過患亦如是 實為此女人
如身患瘡癩 生蟲自啖食 貪姪亦如是
若莊飾女人 如畫甕盛糞 但觀諸外相
誰知裏不淨 又如油洗衣 掛搭於身上
莊嚴於女人 染汙亦如是 如衣蓋刀劍
似火覆輕灰 嚴飾於女人 違損亦如是
又如劫火起 大地皆洞燃 草木不見生
河海乾枯盡 部多所住處 湏弥及鐵圍
六欲與初禪 破壞誰能救 如是就女色
姪火大熾燃 焚燒於有情 違損不可救
人身速不淨 穢惡諸物成 指爪與髮毛
涎唾并結睍 垢汗大小便 肪膈及腦膜

大業日子王所問經

第二卷

七

大業日子王所問經

第七卷

七

皮肉兼骨髓 膿血筋脉連 脾腎心共肺
腸胃膽與肝 生藏對熟藏 赤痰共白痰
又復八萬戶 微細蟲啖食 常住於身中
愚人那知覺 於身起貪愛 如蠅慕膿血
臭氣覺馨香 苦中而為樂 如是耽慾人
執杖相毆擊 慾火竟來燒 迷醉誰能悟
愚癡著樂味 如狗在空房 亦似底羅聲
究竟成妄想 又如於猿猴 攀緣常在樹
乃至到無常 不離於樹上 如是貪慾人
追求於色境 墜墮惡趣中 不離生死苦
愚癡姪慾人 彼處命終後 擲在鐵鑊中
如是住一劫 浮沉如煮豆 其鑊大小量
六十四俱胝 衆生所依彼 一一墮落者
較量不能知 煎煮於鑊中 受苦滿百劫
或二三四劫 隨彼業輕重 皮肉俱爛壞
骨現似白螺 又隨自業力 手捉尖利鈎
擲在炎鐵槽 死已而還活 又被於獄卒
手執鐵杵 搗骨髓皆成糝 風吹而却活
或以鐵棒 打劈裂如斧斫 鐵獸三四五
隨後而咬噬 又復為鐵鳥 鐵狗及豺狗
牙皆利如劍 食罪人腦髓 若人造罪業
墮落於糞河 或落刀劍上 一切皆臭穢
若人造罪業 墮在極炎熱 號叫大號叫

黑繩及燒燃 若人造罪業 墮在於灰河
重重入由增 痛苦不可忍 若人造罪業
死墮地獄中 飢吞熱鐵丸 渴復飲銅汁
若人造罪業 墮在鐵山間 衆山一時合
抄碎身如粉 若人造罪業 恒受於苦惱
獲得如是果 無有能救者 此處非安樂
先世業所招 父母與妻兒 何能相救濟
下劣姪慾行 直往於無間 受苦不可當
三世佛皆說 是故下劣人 與女人同處
如擔於糞袋 愚癡到處行 丈夫為女人
纏縛如枷鎖 地獄火燃身 無能得安樂
刹那智慧生 如是聞佛法 離一切姪慾
出家得解脫
佛告大王 若丈夫行姪慾行 當墮地
獄受斯大苦 是故大王 恒常念佛念
法 觀察身心 勿令起過日子王言 如
是世尊 於如來處 發深信心 白言 世
尊 甚為希有 如來應正等覺 善說女
人丈夫之過 我當受持 歸佛歸法 歸
慈弼衆 今後并捨姪慾 刀杖等過 慙
念饒益 一切衆生 說此語時 會中日
子王及諸慈弼 菩薩摩訶薩 天龍藥
叉阿素羅 摩竭路茶健闍婆 莫呼落迦

大業日子王所問經

第七卷

七

人非人等聞佛所說皆大歡喜作禮而去

佛說大乘日子王所問經

乙巳歲高麗國大藏都監奉勅雕造

大乘日子王所問經

第十四卷

鐘

K. no. 1101
佛說樓閣正法甘露鼓經

鐘

西天印慶寺藏經閣藏書三藏明教大師賜教內臣 奉 奉 奉

如是我聞一時世尊在舍衛國祇樹給孤獨園。爾時尊者阿難陀發誠諦心詣世尊所到佛所已用彼頭頂禮世尊足修敬畢已住立一面。爾時尊者阿難陀白世尊言云何種於清淨善根云何作曼拏羅云何歸依受持學處云何合十指掌恭敬如來成何善業世尊云何輪迴善根不滅云何業盡獲得涅槃作如來像云何功德世尊告言阿難陀當於五德而淨修持又說以何等語發於自心發於他心復令賢聖得心歡喜善業巍巍所求皆得身謝命終生善逝天阿難陀若有發心為於佛故伸乎供養作四方曼拏羅我說彼人當來之世於北俱盧洲為富貴主身歿之後生忉利天阿難陀若有發心為於佛故伸乎供養如半月形作曼拏羅我說彼人當來之世於東勝身洲為富貴主身歿之後生夜摩天阿難陀若有發心為於佛故伸乎供養作圓曼拏羅我

說彼人當來之世於西牛貨洲為富貴主身歿之後生兜率天阿難陀若有發心為於佛故伸乎供養如彼車形作曼拏羅我說彼人當來之世於南閻浮洲為富貴主身歿之後生化樂天阿難陀若有歸依於佛及以法僧護持淨戒我說彼善根福無量無邊一切聲聞及與緣覺盡涅槃際無能較量

爾時世尊告尊者阿難陀隨汝意知彼紅蓮花柔軟無垢無憂樹葉銅色微妙我舌如彼舒覆面門乃至髮際如汝所見阿難陀誰以妄語綺語惡口兩舌而能有此如來應正等覺語唯真實舌乃如是阿難陀若有歸命合掌頂禮於彼世尊如來應正等覺作此歸依者彼之有情為我救度何以故阿難陀如來法界而決定故若有誠心決定合掌禮拜及以布施阿難陀又復有人如洗其手及滌諸器同此少時發利生心願彼所有一切眾生悉得安樂阿難陀我說此人開於福門開於惡趣得免三劫云何三劫謂刀兵劫疫病劫飢饉劫阿難陀